

vaxta, gegn veði í tekjum prestakallsins, þannig, að skuldin hvíli á prestakallinu, að svo miklu leyti sem hún verður ekki greidd af tekjum kirkjunnar, og skal jeg þjónustusamlega skora á yður, herra amtmaður og herra biskup, að gjöra nauðsynlegar ráðstafanir til þess, að eptirlit verði haft með því, að fjenu verði varið eins og að ofan segir, og að kirkjubyggingin verði forsvaranlega af hendi leyst. **66** 5. apríl

Brjef landshöfðingja til stiptsyfirvaldanna um lántökuleyfi handa prestakalli til kirkjubyggingar. — Samkvæmt ósk og tillögum stipts- yfirvaldanna í þóknanlegu brjefi, dags. 2. þ. m., vil jeg hjer með veita samþykki mitt til, að hlutadeigandi prestur megi taka embættislán, að upphæð 300 krónur, til handa Klippstaðarprestakalli, til endurbyggingar kirkjunnar að Klippstað, þannig, að það endurgjaldist auk 4 % árlegra vaxta með 25 kr. á ári í 12 ár af tekjum prestakallsins, að því leyti sem árlegar tekjur kirkjunnar hrökkva eigi til þess. Fel jeg stiptsyfirvöldunum að sjá um, að eptirlit verði haft með því, að láninu sje forsvaranlega varið til þess, sem leyfið er við bundið. **67** 13. apríl

Brjef landshöfðingja til stiptsyfirvaldanna um lántökuleyfi handa prestakalli til húsbyggingar. — Samkvæmt beiðni prestsins að Saurbæ á Hvalfjarðarströnd, sjera Jóns Benediktssonar, meðmælum prófastsins í Borgarfjarðarprófastsdæmi og tillögum stiptsyfirvaldanna í þóknanlegu brjefi, dags. 22. f. m. vil jeg hjer með veita samþykki mitt til þess að tjeður prestur taki 2,000 króna embættislán upp á Saurbæjarprestakall, til þess að byggja timburhús á prestssetrinu Saurbæ, og er lántökuleyfið bundið þessum skilyrðum: **68** 13. apríl

1. Lánið skal að fullu endurborgað ásamt vöxtum á 20 árum.
2. Húsið skal byggt undir tilsjón prófasts; skal það vera portbyggt, hæflega hátt, að minnsta kosti 12 álna langt og 10 álna breitt, með járnþaki og járnvarið að öðru leyti gegn helstu regnátum. Kjallari skal vera undir húsinu, grjóthlaðinn og steinlímdur, og eldavjel og nauðsynlegir ofnar fylgja húsinu. Um herbergjaskipun skal leita samþykkis prófasts og hlíta hans úrskurði, og skal byggingunni að öðru leyti hagað samkvæmt tillögum prófastsins í brjefi til stiptsyfirvaldanna 25. febr. þ. á. Málað skal húsið vera utan, þar sem það er ekki járn klætt, svo og íveruherbergi.
3. Húsið skal vera eign staðarins, og skal það koma í stað þessara bæjarhúsa, sem nú eru þar: baðstofu, ganga frá bæjardyrum til baðstofu, bæjardyrabúrs og eldhúss. Presturinn skal skyldur að halda við húsinu, og skal hann eða dánarbú hans skila því í gildu standi eða með fullu álagi, þegar hann fer frá prestakallinu eða deyr.

68
13. apríl

4. Helminginn af upphæð lánsins má eigi taka fyrr en húsið er fullgjört, og sannað er með lögmætri skoðunargjörð undir umsjón prófasts, að það sje vel gjört og svo sem áskilið er. Jafnframt þeirri skoðunargjörð skal húsið virt, og skal presturinn váttryggja það fyrir bruna með þeirri upphæð, er það verður virt á, og halda húsinu síðan í þeirri váttryggingu. Verði farið að nota húsið til íbúðar áður en það er fullgjört, skal það váttryggt til bráðabyrgða fyrir þeirri upphæð, sem það er virt á þegar byrjað er að búa í því.
5. Húsið skal reist og að minnsta kosti gjört byggilegt sama árið og lánið er tekið, og fullgjört skal það vera eigi síðar en 30. júní árið eptir.

Þetta tilkynnist yður hjermeð, herra amtmaður og herra biskup, til þóknanlegrar ráðstöfunar og frekari þirtingar, að því viðbættu, að hið umrædda lán getur ekki fengizt úr landssjóði.

69

Agrip

af reikningi yfir tekjur og gjöld landsbankans 1. janúar til 31. marz 1892.

Tekjur.

	Kr. Aur.	Kr. Aur.
1. Í sjóði		182,266 90
2. Borguð lán:		
a. Fasteignarveðslán	5,927 56	
b. Sjálfskuldarábyrgðarlán	5,997 25	
c. Handveðslán	7,236 00	
d. Lán gegn ábyrgð sveita og bæjarfjelaga o. fl.	710 50	19,871 31
3. Vixlar innleystir		12,363 70
4. Ávísanir innleystar		1,259 00
5. Vextir		3,564 05
6. Diskonto		222 27
7. Ýmislegar tekjur		3,151 38
8. Frá Landmandsbankanum		51,616 00
9. Innlög á hlaupareikning		20,446 26
10. Sparisjóðsinnlög		90,238 53
		<u>384,999 40</u>

Gjöld.

	Kr. Aur.	Kr. Aur.
1. Lánað gegn:		
a. Fasteignarveði	27,570 00	
b. Sjálsskuldarábyrgð	15,450 00	
	Flyt 43,020 00	